



東坡集卷第三

詩七十六首

泗州僧伽塔

我昔南行舟繫汴  
逐風三日沙吹面  
舟人共勸禱靈  
塔香火未收棋  
脚轉回頭項刻失  
長橋却到龜山未  
朝飯至人無心何  
厚薄我自懷私欣  
所便耕田欲雨刈  
欲晴去得順風來  
者怨若使人人禱  
輒遂造物應須日  
千變我今身世兩  
悠悠去無所逐來  
無戀得行固願留  
不惡每到有求神  
亦倦退之舊云三  
百尺澄觀所營今  
已換不嫌俗士汗  
丹梯一看雲山遶  
淮甸



龜山

我生飄蕩去何求再過龜山歲五周  
身行萬里半天下僧卧一庵初白頭  
地隔中原勞北望潮連滄海欲東遊  
元嘉舊事無人記故壘摧頽今在不

宋文帝遣  
將魏太

武築城  
此山  
我洪澤中塗遇大風復還

風浪忽如此吾行欲安歸掛帆却西邁  
此計未為非洪澤三十里安流去如飛  
居民見我還勞問之依依攜酒就船賣  
此意厚莫違醒來夜已半岸木聲向微  
明日淮陰市白魚能許肥我行無南北  
達意乃所祈

何勞弄滋滌終夜搖凶靡妻孥莫憂色  
更典篋中秋

十月十六日記所見

風高月暗雲水黃淮陰夜散朝山陽  
山陽曉霧如細雨炯炯初日寒無光  
雲收霧卷已亭午有風北來寒欲僵  
忽驚飛電穿戶牖迅駛不復容遮防  
市人顛沛百賈亂疾雷一聲如頽墻  
使君來呼晚置酒坐定已復日照廊  
恍疑所見皆夢寐百種變怪旋消亡  
共言蛟龍厭舊穴魚鼈隨徙空陂塘  
愚儒無知守章句論說黑白推何祥  
惟有主人言可用天寒欲雪飲此觴  
廣陵會三同舍各以其字為韻仍邀同賦

劉貢父

去年送劉郎醉語已鶻衆如今各漂泊筆硯誰能弄  
我命不在天羿毅未必中作詩聊遣意老大慵譏諷  
夫子少年時雄辯輕子貢尔來再傷弓戢翼念前痛  
廣陵三日飲相對恍如夢况逢賢主人白酒撥春甕  
竹西已揮手灣口猶屢送羨子去安閑吾邦正喧閤

孫巨源

三年客京輦憔悴難具論揮汗紅塵中但隨馬蹄翻  
人情責往返不報生既根坐令平生友終歲不及門  
南來實清曠但恨無與言不謂廣陵城得逢劉與孫

吳越不兩之譬如王孫猿吾僻久相聚恐見疑排根  
我編類中散子通真巨源絕交固未敢且復東南奔

劉莘老

江陵昔相遇幕府稱上賓再見明光宮我冠挹搢紳  
如今三見子坎珂為逐臣朝遊雲霄間欲分丞相茵  
莫浴江湖上遂與屈子隣了不見喜愠子豈真可人  
邂逅成一歡醉語出天真士方在田里自比渭與莘  
出試乃大謬芻狗難重陳歲晚多霜露歸耕當及辰

遊金山寺

我家江水初發源宦遊直送江入海聞道潮頭一丈

高天寒尚有沙痕在中冷南畔石盤陀古來出沒隨  
濤波試登絕頂望鄉國江南江北青山多羈愁畏晚  
尋歸揖山僧苦留看落日微風萬頃靴文細斷霞半  
空魚尾赤是時江月初生魄二更月落天深黑江心  
似有炬火明飛焰照山樓鳥鷺悵然歸卧心莫識非  
鬼非人竟何物江山如此不歸山江神見怪驚我頑  
我謝江神豈得已有田不歸如江水是夜所見如此

自金山放船至焦山

金山樓觀何耽耽撞鐘擊鼓聞淮南焦山何有有備  
竹採薪汲水僧兩三雲霧浪打人迹絕時有沙戶祈

春登我來金山更留宿而此不到心懷慙同遊盡  
決獨往賦命窮薄鞋江潭清晨無風浪自湧中流歌  
嘯倚半酣老僧下山攜客至迎笑喜作巴人談自言  
久客忘鄉井只有彌勒為同龕困眠得就紙帳暖飽  
食未厭山蔬甘山林飢卧古亦有無田不退寧非貪  
展禽雖未三見黜对夜自知七不堪行當接効謝簪  
組為我佳處留茆庵吳人謂水中可田者為沙焦山長老中江人也

甘露寺

江山豈不好獨遊情易闌但有相攜人何必素所歡  
我欲訪甘露當途無閑官二子舊不識欣然肯聯鞍

古郡山為城層梯轉朱欄樓臺斷崖上地窄天水寬  
一覽吞數州山長江漫漫却望大明寺惟見烟中竿  
很石卧庭下穹隆如伏獬細懷卧龍公挾策事瑀鑽  
一談收衲子再說走老瞞名高有餘想事往無留觀  
蕭翁古鐵鑊相對空團團坡陀受百斛積雨生微瀾  
泗水逸周鼎渭城辭漢盤山川矣故態怪此能獨完  
僧繇六化人霓衣挂冰紈隱見十二疊觀者疑夸謾  
破板陸生畫青猊戲盤珊上有二天人揮手如翔鸞  
筆墨雖欲盡典刑垂不刊共共贊皇公英姿凜以寒  
古柏親手種挺然誰敢干枝撐雲峯裂根入石窟蟠

雜草得斷碑斬崖出金棺瘞歲豈不牢見伏理可歎  
四雄皆龍虎遺迹儼未刊方其盛壯時爭奪肯少安  
廢興屬造物遷逝誰控搏况彼妄庸子而欲事所難  
古今共一軌後世徒辛酸聊興廣武歎不待雍門彈

次韻子由柳湖感物

憶昔子美在東屯數間茆屋蒼山根朝吟草木調蠻  
獠欲與猿鳥爭秋喧子今憔悴衆所弃驅馬獨出無  
往還惟有柳湖萬株柳清陰與子供朝昏胡為譏評  
去不少借生意凌挫難為繁柳雖無言不解愠世俗  
乍見應憮然嬌姿共愛春濯濯豈問空腹俯地蟠朝

看濃翠傲炎赫夜愛疎影搖清圓風翻雪陣春絮亂  
蠹響啄木秋聲堅四時盛衰各有態搖落淒愴驚寒  
温南山孤松積雪底抱凍不死誰復賢

送蔡冠卿知饒州

吾觀察子與人遊掀脰笑語無不可平時儻蕩不羈  
俗臨事迂闊乃過我橫前坑穿衆所畏布路金珠誰  
不裹尔來變化驚何速昔踴剛強今亦頗憐君獨守  
廷尉法晚歲却理鄱陽柁莫嗟天驥逐羸牛欲試良  
玉須猛火世事徐觀真夢寐人生不信長轆軻知君  
决獄有陰功他日老人酬魏顆

次韻楊褒早春

窮巷淒涼苦未和君家庭院得春多不辭瘦馬騎街  
雪來聽佳人唱踏莎破恨徑須煩翅蘂增手誰復恣  
羲娥良辰樂事古難並白髮青衫我亦歌細雨郊園  
聊種菜冷官門戶可張羅放朝三日君恩重睡美  
不知身在何

初到杭州寄子由二絕

眼看時事力難任貪戀君恩退未能遲鈍終須接  
劾去使君何日換龔丞  
聖明寬大許全身衰病摧頽自畏人莫上岡頭苦相

望吾方祭竈請比隣

次韻柳子玉二首

地爐

細聲啞蚓發銀餅擁褐橫眠天未明衰髮鑷殘歌雪  
領壯心降盡倒風柱自稱丹竈錙銖火倦聽山城長  
短更聞道床頭惟竹几夫人應不解卿卿俗謂竹几為竹夫人

紙帳

亂文龜殼細相連慣卧青綾恐未便絮似僧中白疊  
布暖於蠻帳紫茸氎錦衾速卷持還客破屋那愁仰  
見天但恐嬌兒還惡睡夜深踏裂不成眠

臘日遊孤山訪惠勤惠思二僧

天欲雪雲滿湖樓臺明滅山有無水清出石魚可數  
林深無人鳥相呼臘日不歸對妻孥名尋道人實自  
娛道人之居在何許寶雲山前路盤紆孤山孤絕誰肯  
廬道人有道山不孤紙窓竹屋深自暖擁褐坐膝依  
圓蒲天寒路遠愁僕夫整駕催歸及未曉出山迴望  
雲木合但見野鷗盤浮圖茲遊淡泊歡有餘到家恍  
如夢蘧蘧作詩火急追亡逋清景一失後難摹

李杞寺丞見和前篇復用元韻答之

獸在藪魚在湖一入池檻歸期無誤隨弓挂落塵土



坐使鞭箠環呻呼追胥連保罪及孥  
坐同保徒其家  
百日愁歎一日娛白雲舊有終老約朱綾豈合山人  
紆人生何者非遠慮故山鶴怨秋猿孤何時自駕鹿  
車去掃除白髮煩苜蓿麻鞋短後隨獵夫射弋狐兔  
供朝脯陶潛自作五柳傳潘閔畫入三峰圖吾年凜  
凜今幾餘知非不去慙衛蘧歲荒無術歸亡逋鶴則  
易畫虎難摹

再和

東望海西望湖山平水遠細欲無野人疎狂逐漁釣  
刺史寬大容歌呼君恩飽煖及爾才者不閑拙

者娛穿屐度嶺脚力健未厭山水相縈紆三百六十  
古精廬出遊無伴籃輿孤作詩雖未造藩閫破悶豈  
不賢揆蒲君才敏贍無百夫朝作千篇日未晡竭來  
湖上得佳句從此不看管丘圖知君篋積富有餘莫  
惜錦繡償營遠窮多闕檢誰先適賭取名畫不用摹  
遊靈隱寺得來詩復用前韻

君不見錢塘湖錢王壯觀今已無屋堆黃金斗量珠  
運盡不勞折簡呼四方宦遊散其孥官闕留與閑人  
娛盛衰哀樂兩須臾何用多憂心鬱紆溪山處處皆  
可廬最愛靈隱飛來孤喬松百丈蒼髯鬚擾擾下笑

柳與蒲高堂會食羅千夫撞鐘擊鼓宣朝晡凝香方  
丈眠甃能絕勝絮被縫海圖清風時來驚睡餘遂起  
羲皇傲兀遽歸時棲鴉正畢逋孤煙落日不可摹

戲子由

宛丘先生長如丘宛丘學舍小如舟常時低頭誦經  
史忽然欠伸屋打頭斜風吹帷雨注面先生不愧傍  
人羞仕後飽死笑方朔肯為兩立求秦優眼前勃磈  
何足道處置六鑿須天道讀書萬卷不讀律致君堯  
舜知無術勸農冠蓋開如雲送老鹽齏甘似蜜門前  
萬事不掛眼頭雖長低氣不屈餘抗別駕無功勞畫

堂五丈容旂旄重樓跨空而聲遠屋多人少風騷騷  
平生所慙今不恥坐對疲氓更鞭箠道逢陽虎呼與  
言心知其非口諾唯居高志下真何益氣節消縮今  
無幾文章小技安足程先生別駕舊齊名如今衰老  
俱無用付與時人分重輕

越州張中舍壽樂堂

青山偃蹇如高人常時不肯入官府高人自與山有  
素不待招邀滿庭戶卧龍蟠屈半東州萬室鱗鱗枕  
其股背之不見與無同孤裘反衣無乃魯張君眼力  
覩天與能遣荆棘化堂宇持願宴坐不出門收攬竒

秀得十五才多事少厭爾對卧看雲煙變風雨笋如  
玉筋樵如簪強飲且為山作主不憂兒輩知此樂但  
恐造物怪多取春濃睡足午幽明想見新茶如潑乳

姚屯田挽詞

京口年來耆舊衰高人淪喪路人悲空聞幸叟一經  
在不見恬侯萬石時貧病只知為善樂逍遙却恨弃  
宮遲七年一別真如夢猶記蕭然瘦鶴安

送岑著作

懶者常似靜靜豈懶者徒拙則近於直而直豈拙歟  
夫子靜且直雍容時卷舒嗟我復何為相得歡有餘

我本不違世而世與我殊拙於林間鳩懶於冰底魚  
人皆笑其狂子獨憐其愚直者有時信平靜者不終  
居而我懶拙病不受砭藥除臨行怪酒薄已與別淚  
俱後會豈無時遂恐出處踈惟應故山夢隨子到吾  
廬

吉祥寺賞牡丹

人老簪花不自羞花應羞上老人頭醉歸扶路人應  
笑十里珠簾半上鉤

吉祥寺僧求閣名

過眼榮枯電與風久長那得似花紅上人宴坐觀空

閣觀色觀空色即空

和劉道原見寄

敢向清時怨不容直嗟吾道與君東坐談足使淮南  
懼歸去方知冀此空獨鷗不須驚夜旦群鳥未可辨  
雌雄廬山自古不到處得與幽人子細窮

和劉道原詠史

仲丘憂世接輿狂減穀雖殊竟兩亡吳客漫陳豪士  
賦相侯初笑越人方名高不朽終安用日飲無何計  
亦良獨掩陳編弔興廢白前山雨夜浪浪

和劉道原寄張師民

仁義大捷徑詩書一振亭相夸綬若若猶誦麥青青  
腐鼠何勞嚇高鴻本自冥顛狂不用喚酒盡漸須醒

送張職方吉甫赴陶漕六和寺中作

羨君超然鸞鶴安江湖欲下還飛去空使吳兒怨不  
留青山漫漫七閩路門前江水去掀天寺後清池碧  
玉環君如大江日千里我如此水千山底

雨中遊天竺靈感觀音院

蠶欲老麥半黃前山後山雨浪浪農夫輟耒女廢筐  
白衣仙人在高堂

和蔡準郎中見遊西湖三首

夏潦漲湖深更幽西風落木芙蓉秋飛雪閣天雲拂  
地新蒲出水柳映洲湖上四時看不足惟有人生飄  
若浮解顏一笑豈易得主人有酒君應留君不見錢  
塘遊官客朝推四暮決獄不因入喚何時休  
城市不識江湖幽如與媿姑語春秋試令江湖處城  
市却似麋鹿遊汀洲高人無心無不可得坎且止乘  
流浮公卿故舊留不得遇所得意終年留君不見地  
官彭澤令琴無絃中有酒醉欲眠時遣客休  
田間決水鳴幽幽種秧未遍麥已秋相攜燒筍苦竹  
寺却下踏藕荷花洲船頭斫鮮細縷縷船尾炊玉香

浮浮臨風飽食得甘寢肯使細故胸中留君不見杜  
士惟悴時饑謀食渴謀飲功名有時無罷休

和子由柳湖久酒忽有水開元寺山茶舊

無花今歲盛開

太昊祠東鐵墓西一樽曾與子同攜回瞻郡閣遙飛  
檻北望檣竿半隱堤飯豆羹蒸思兩鵠飲河嘆水賴  
長規如今勝事無人共花下壺盧鳥勸提

長明燈下石欄干長共杉松闕歲寒葉厚有稜犀甲  
健花深少態鶴頭丹久陪方丈曼陀雨羞對先生首  
着盤雪裏盛開知有意明年歸後更誰看

六月二十七日望湖樓醉書

黑雲翻墨未遮山，白雨跳珠亂入船。  
卷地風來忽吹散，望湖樓下水如天。

放生魚鼈逐人來，無主荷花到處開。  
水枕能令山俯仰，風船解與月裴回。

烏菱白芡不論錢，亂擊青菰裹綠盤。  
忽憶嘗新會靈觀，滯留江海得加餐。

獻花游女木蘭桡，細雨斜風濕翠翘。  
無限芳洲生杜若，吳兒不識楚詞招。

未成小隱聊中隱，可得長閑勝暫閑。  
我本無家更安

往故鄉無此好湖山

七月一日出城舟中苦熱

涼颼呼不來，流汗方被體稀星。  
乍明滅暗水光瀾瀾，香風過蓮芙蓉。  
驚枕裂鮎鯉，欠伸宿酒餘。起坐濯清泚，火雲勢方壯。  
未受月露洗，身微欲安寢。坐待東方啓

宿餘杭法喜寺寺後綠野亭望吳興諸山

懷孫莘老學士

徙倚秋原上，淒涼晚照中。  
水添天不盡，人遠思何窮。

問謀知秦過，看山識禹功。  
餘杭姑皇所舍舟也西北

稻涼初吠蛤，柳老半書蟲。  
荷背風翻白，蓮腮雨退紅。

追遊慰遲暮覓句效兒童北望蒼溪轉遙憐震澤通  
烹魚得尺素好在紫髯翁

宿臨安淨土寺

鷄鳴發餘杭到寺已亭午參禪固未暇飽食良先務  
平生睡不足急掃清風宇閉門群動息香篆起煙縷  
覺來烹石泉紫筍發輕乳晚涼沐浴罷衰髮掃可數  
浩歌出門去暮色入村塢微月半隱山圓荷爭瀉露  
相攜石橋上夜與故人語明朝入山房石鏡炯當路  
昔照熊虎姿今為猿鳥顧廢與何足弔萬世一仰俯  
自淨土少至功臣寺

落日岸蒿巾晚風吹羽扇松間野步穩竹外飛橋轉  
神功鑿橫嶺巖石得巨片直度千人溝下有微流注  
岡巒蔚回合金碧爛明絢緬懷異姓王負擔此鄉縣  
長蓬跨下辱屐乞桑間飯誰謂山石頑識此希世產  
凜然英氣逼屹起猶聳戰他年萬騎歸父老恣歡宴  
錦繡被原野金珠散貧賤竄融既入朝吳芮空記面  
榮華坐銷歇閱世如郵傳惟有長明燈依然照深殿

遊徑山

衆峰來自天目山勢若駿馬奔平川中塗勒破千里  
足金鞭玉轡相回旋人言山住水亦住下有萬古蛟

龍淵道人天眼識王氣結茆宴坐荒山巔精誠貫山  
石為裂天女下試顏如蓮寒窓暖足來朴握夜鉢呪  
水降蜿蜒雪眉老人朝扣門願為弟子長參禪爾來  
廢興三百載奔走吳會輸金錢飛樓湧殿墜山破朝  
鐘暮鼓驚龍眠晴空偶見浮海蜃落日下數投村鳥  
有生共處覆載內擾擾膏火同烹煎近來愈覺世議  
隘每到寬處差安便嗟余老矣百事廢却尋舊學心  
茫然問龍乞水歸洗眼欲看細字銷殘年龍介水洗  
病眼有效

自徑山回得呂察推詩用其韻招之宿湖  
上

多君貴公子愛山如愛色心隨葉舟去夢遶千山碧  
新詩到中路令我喜折屐古來軒冕徒操捨兩悲慄  
數朝詞簪笏兩脚得暫赤歸來不入府却走湖上宅  
寵辱吾久忘寧畏官長詰飄然便欲去誰在子思側  
君能從我遊出郭及未黑

宿望湖樓再和

新月如佳人出海初弄色娟娟到湖上漱漱搖空碧  
夜涼人未寢山靜聞響屐騷人故多感悲秋更慘慄  
君胡不相就朱墨紛黜赤我行得罔嘗十日忘家宅  
但恨無友生詩病莫訶詰君來試吟味定作鶴頭側



改罷心愈疑滿紙蛟地黑

夜泛西湖五絕

新月生魄迹未安纔破五六漸盤桓今夜吐艷如半璧  
遊人得向三更看

三更向闌月漸垂欲落未落景特奇明朝人事誰料得  
看到蒼龍西沒時

蒼龍已沒牛斗橫東方芒角昇長庚漁人收筒及未

曉船過惟有荻蒲聲

湖上禁漁昔  
盜劫者也

荻蒲無邊水茫茫荷花夜開風露香漸見燈明出遠寺  
更待月黑看湖光

湖光非鬼亦非仙風恬浪靜光滿川  
須臾兩兩入寺去就視不見空茫然

焦千之求惠山泉詩

茲山定空中乳水滿其腹遇隙則發見臭味實一簇  
淺深各有值方圓隨所蓄或為雲洶涌或作綫斷續  
或鳴空洞中雜佩間琴筑或流蒼石縫宛轉龍鸞盛  
蛭嬰走四海真偽半相瀆貴人高宴罷醉眼亂紅綠  
赤泥開方印紫餅截圓玉傾甌共歎賞竊語笑僮僕  
豈如泉上僧盥灑自挹掬故人憐我病藉籠上寄新  
馥欠伸北窓下晝睡美方熟精品馱凡泉願子致一

斛

荅任師中次韻

來詩勸以  
詩西自誤

閑裏有深趣常憂兒輩知已成歸蜀計誰借買山資  
世事久已謝故人猶見思平生不飲酒對子敢論詩

沈諫議名遊湖不赴明日得雙蓮於北山

下作一絕持獻沈既見和又別作一首因

用其韻

湖上崇陰手自栽問公更得幾回來水仙亦恐公歸  
去故遣雙蓮一夜開

詔書行捧縷金殿樂府應歌相府蓮莫忘今年花發

處西湖西畔北山前

和歐陽少師會老堂次韻

一時冠蓋盡嚴終舊德年來豈易逢開道堂中迺蓋  
叟之應牀下拜梁松靈魚自晒閑箱篋科斗長收古  
鼎鍾我欲弃官重問道寸筵何以得春容

和歐陽少師寄趙少師次韻

朱門有遺咏千里來燕雀公家冷如冰百呼無一諾  
平生親友半遷逝公雖不怪旁人愕世事如今臘酒  
釀交情自古春雲薄二公凜凜和非同疇昔心親豈  
願從白頭相映松間鶴清句更平酬雪裏鴻何日楊

雄一屨足却追范蠡五湖中

監試呈諸試官

我本山中人寒苦盜寸廩文詞雖少作勉強非天稟  
既得旋廢忘懶惰今十稔麻衣如再著墨水真可飲  
每聞科詔下白汗如流潘此邦東南會多士敢題品  
芻蕘盡蘭蓀香不數葵荏貧家見珠貝眩晃自難審  
緬懷嘉祐初文格變已甚千金碎全璧百納收寸錦  
調和樹桂醜嚼沙礫矇廣眉成半頰學步歸蹕蹇  
維時老宗伯氣墜群兒凜蛟龍不世出魚鮪初驚滄  
至音久乃信知味猶食堪至今天下士微管幾左社

謂當千載後石室祠高朕爾來又一變此學初誰論  
權衡破舊法芻豢笑凡飪高言追衛樂篆刻鄙曹沈  
先生周孔出弟子淵篤寢却頑老鈍軀頑朴謝鐫鏤  
諸君況才傑容我懶且噤聊欲廢書眠秋濤春午枕

望海樓晚景五絕

海上濤頭一線來樓前拍顧雪成堆從今潮上君須  
上更看銀山二十回

橫風吹雨入樓斜壯觀應須好句誇雨過潮平江海  
碧電光時掣紫金蛇

青山斷處塔層層隔岸人家喚欲應江上秋風晚來

急為傳鐘鼓到西興  
樓下誰家燒夜香  
玉笙哀怨弄初涼  
臨風有客吟秋扇  
拜月無人見晚粧  
沙河燈火照山紅  
歌鼓喧喧語笑中  
為問少年心在否  
角巾歌倒鬢如蓬

試院煎茶

蟹眼已過魚眼生  
颼颼欲作松風鳴  
蒙茸出磨細珠落  
眩轉遶甌飛雪輕  
銀瓶瀉湯誇第二  
未識古人煎水意  
枯不煎語云煎茶不見君不見  
昔時李生好客手自煎  
貴從活火發新泉  
又不见今時潞公煎茶學西蜀  
定州花

窈瑤紅玉我今貧  
病長苦飢分無玉盤  
捧娥眉且學公家作  
茗飲搏爐石鈿行  
相隨不用撐腸拄腹  
文字五千卷但願一甌  
常及睡足自高時

孫莘老求墨妙亭詩

蘭亭蠶紙入昭陵  
世間遺迹猶龍騰  
顏公變法出新意  
細筋入骨如秋鷹  
徐家父子亦秀絕  
字外出力中藏  
稜嶧山傳刺典刑  
在千載筆法留陽冰  
杜陵評書貴瘦硬  
此論未公吾不憑  
短長肥瘠各有態  
玉環飛燕誰敢憎  
吳興太守真好古  
購買斷缺揮縑繒  
龜趺入坐螭隱壁  
空齋晝靜聞登登  
竚散出走吳越勝

事傳說誇友用書來乞詩要自寫為把栗尾書谿藤  
後來視今猶視昔過眼百世如風燈他年劉郎憶賀  
監還道同時須伏膺

李公擇求黃鶴樓詩因記舊所聞於馮當  
世者

黃鶴樓前月滿川抱關老卒飢不眠夜聞三人笑語  
言羽衣著履響空山非鬼非人意其仙石扉三扣巖  
清圓洞中鏗鉞落門闌縹緲入石如飛煙雞鳴月落  
風馭還迎拜稽首願執鞭汝非其人骨腥膻黃金乞  
得重莫肩持歸包裹弊席擅夜穿茅屋光射天里閭

來觀已變遷似石非石鉛非鉛或取而有衆忿喧訟  
歸有司今幾年無功暴得喜欲顛神人戲汝真可憐  
願君為考然不然此語可信馮公傳

八月十日夜看月有懷子由并崔度賢良

宛丘先生自不能更笑老崔窮百巧一更相過三更  
歸古柏陰中看參昴去年舉君首着盤夜傾闕酒赤  
如丹今年還看去年月露冷遙知范對寒典衣自種  
一頃豆那知積雨生科斗歸來四壁草蟲鳴不如王

江長飲酒

王江陳  
州道人

催試官考較戲作

八月十五夜月色隨處好不擇茆簷與市樓況我官  
居似蓬島鳳味堂前野橘香劍潭橋畔秋荷老八月  
十八潮壯觀天下無鯤鵬水擊三千里組練長驅十  
萬夫紅棋青蓋互明滅黑沙白浪相吞屠人生會合  
古難必此景此行那兩得願君聞此添蠟燭門外白  
袍如立鵠

八月十七復登望海樓自和前篇是日勝

出余與試官兩人復留五首

樓上煙雲怪不來樓前飛紙落成堆非關文字須重  
看却被江山未放迴

眼昏燭暗細行斜考閱精強外已誇明日失杯君莫  
怪早知安是不成地

亂山遮曉擁千層睡美初涼撼不膺昨夜酒行君屢  
歎定知歸夢到吳興

天台桂子為誰香倦聽空堦夜點涼賴有明朝看潮  
在萬人空巷闔新粧

秋花不見眼花紅身在孤舟兀兀中細雨作寒知有  
意未教金菊出蒿蓬

東坡集卷第四

詩八十八首

秋懷二首

苦熱念西風常恐來無時及茲遂淒凜又作徂年悲  
蟋蟀鳴我床黃葉投我帷窓前有棲鵬夜嘯如狐狸  
露冷梧葉脫孤眠無安枝熠燿亦求偶高屋飛相追  
定知無幾見迫此清霜期物化逝不留我興為嗟咨  
便當勤秉燭為樂戒暮遲

海風東南來吹盡三日雨空皆有餘滴似與幽人語  
念我平生歡寂寞守環堵壺漿慰作勞裹飯救寒苦

今年秋應熟過後飽雞黍嗟我獨何求萬里涉江浦  
居貧豈無食自不安畎畝念此生達晨殘燈翳復吐

哭歐公孤山僧惠思示小詩次韻

故人已為土衰鬢亦蘢秋猶喜孤山下相逢說舊游

梵天寺見僧守詮小詩清婉可愛次韻

但聞煙外鐘不見煙中寺幽人行未已草露濕芒屨  
惟應山頭月夜夜照來去

和陳述古拒霜花

千林掃作一番黃只有芙蓉獨自芳喚作拒霜知未  
稱細思却是最宜霜

和沈立之留別二首

而今父老千行淚一似當時初去時不用鐫碑頌遺  
愛文人清德畏人知

以聞鏡鼓送歸艎夢裏恣恣共一觴試問別來愁幾

許春江萬斛若為量去時子在試院

次韻孔文仲推官見贈

我本麤麻性諒非伏轅安君如汗血馬作駒已權竒  
齊驅大道中並帶盤鏢馳聞轂自決驟那復受絛維  
謂君朝發燕秣楚日未歇云何中道止連塞驢驟隨  
金鞍冒翠錦玉勒垂青絲旁觀信美矣自揣良厭之



均為人所勞何必陋鹽輜君看立仗色不敢鳴且窺  
調習困鞭箠僅存骨與皮人生各有志此論我久持  
他人聞定笑聊與吾子期空齋卧積雨病骨煩撐支  
秋草上垣墻霜葉鳴堦墀門前自無客敢作揚雄麾  
候吏報君來拜節江之湄一對高人談稍忘俗吏卑  
今朝枉詩句粲如鳳來儀上山絕梯磴墮海迷津涯  
憐我枯槁質借潤生華滋肯效世俗人洗刮求癩癩  
賢明日登用清廟歌緝熙胡不學長卿預作封禪詞  
湯村開運鹽河中習役

居官不任事蕭散羨長卿胡不歸去來滯留愧淵明

鹽事星火急誰能郵農耕薨薨曉鼓動萬指羅溝坑  
天雨助官政泫然淋衣纓人如鴨與猪投泥相濺鶻  
下馬荒堤上四顧但湖泓線路不容足又與牛羊爭  
歸田雖賤辱豈失泥中行寄語故山友慎毋厭藜藿  
是日宿水陸寺寄北山清順僧二首

草沒河堤雨暗村寺藏脩竹不知門拾薪煮藥憐僧  
病掃地燒香淨客魂農事未休侵小雪佛燈初上報  
黃昏年來漸識幽居味思與高人對榻論  
長嫌鍾鼓聒湖山此境蕭條却自然乞食遠村真為  
飽無言對客本非禪被榛覓路衝泥入洗之關門聽

雨眠遙想身窮賈，島夜寒應聳作詩肩。

客位假寐

謁入不得去，兀坐如枯株。豈惟主忘客，今我亦忘吾。同僚不解事，愠色見髭須。雖無性命憂，且復忍須臾。

鹽官部後戲呈同事兼寄述古

新月照水水欲冰，夜霜穿屋衣生稜。野廬半與牛羊共曉鼓，却隨鴉鵲興夜來。履破裘穿縫紅頰，曲眉應入夢千夫在野口。如林豈不懷歸畏，朝弄我州賢將知人勞已釀白酒，買豚羔耐寒努力歸不遠。兩脚凍硬公須軟。

朱壽昌郎中少不知母所在，刺血寫經求之五十年，去歲得之蜀中，以詩賀之。

嗟君七歲知念母，憐君壯大心愈苦。羨君臨老得相逢，喜極無言淚如雨。不羨白衣作三公，不愛白日昇青天。愛君五十著綵服，兒啼却得償當年。烹龍為炙玉為酒，鶴髮初生千萬壽。金花詔書錦作囊，白藤肩輿簾屋繡感君離合我酸辛。此事今無古，或聞長陵搗來見大姊，仲孺豈意逢將軍。開皇苦挑空，記面建中天子終不見。西河郡守誰復譏，潁谷封人羞自薦。將之湖州戲贈莘老。

餘杭自是山水窟  
反聞吳興更清絕  
湖中摘林新著  
霜溪上苔花正浮  
雪顧渚茶牙白  
於齒梅溪木瓜紅  
勝頰吳兒繪縷薄  
欲飛未去先說饒  
涎垂亦知謝公  
到郡久應恠杜牧  
尋春遲鬢絲只好  
對禪榻湖亭不  
用張水嬉

鴉種麥行

霜林老鴉閑無用  
畦東拾麥畦西種  
畦西種得青猗  
猗畦東已作牛毛  
稀明年麥熟芒攢  
掣農夫未食鴉  
先啄徐行俛仰若  
自矜鼓翅跳跟上  
牛角憶昔舜耕  
歷山鳥為耘如今  
老鴉種麥更辛勤  
農夫羅拜鴉飛

起勸農使者來行水

鹽官絕句四首

南寺千佛閣

古邑居民半海濤  
師來構築便能高  
千金用盡身無事  
坐看香煙透白毫

北寺悟空禪師塔

名齊安宣宗時師如其非凡人

已將世界等微塵  
空裏浮花夢裏身  
豈為龍顏更分  
別只應天眼識天人

塔前古檜

當年雙檜是雙童  
相對無言老更恭  
庭雪到腰埋不

死如今化作兩蒼龍

僧爽白雞

著二十餘年常  
立生側聽經

斷尾椎雞本畏烹  
年來聽法伴修行  
還須却置蓮花  
漏老怯風霜恐不鳥

送張新民寺丞赴省試

龍飛甲子盡豪英  
常喜吾猶及老成人  
競春蘭笑秋菊  
天教明月伴長庚  
傳家各自聞詩禮  
與子相逢之弟兄  
洗眼上林看躍馬  
贊詩先到古宣城

同子  
共年

六和寺冲師開山溪為水軒

欲放清溪自在流  
恐教冰雪落沙洲  
出山定被江湖  
流能為山僧更少留

和致仕張郎中春書

投綬歸來萬事輕  
消磨未盡祗風情  
舊因尊榮求長  
假新為揚技作短行  
不禱自安緣壽骨  
苦藏難沒是詩名  
淺斟盃酒紅生頰  
細琢歌詞穩稱聲  
蝸殼卜居心自放  
蠅頭寫字眼能明  
盛衰閱過君應笑  
寵辱年來我亦平  
幾履數從圮下老  
逸書閑問濟南生  
東風屈指無多日  
祗恐先春鷓鴣鳴

冬至日獨遊吉祥寺

月底微陽回未回蕭蕭寒雨濕枯葉何人更似蘇夫子不是花時肯獨來

後十餘日復至

東君意淺著寒梅千朵深紅未暇裁安得道人殷七七不論時節遣花開

戲贈

惆悵沙河十里春一番花老一番新小樓依舊斜陽裏不見樓中垂手人

和人求筆跡

麥光鋪几淨無暇入夜青燈照眼花從此剡藤真可

吊半紅春蚓縮秋蛇

再用前韻寄華老

君不見夷甫開三窟不如長康掃癡絕癡人自得終天年智士死智罪莫雪困窮誰要卿料理舉頭看山笏拄頰野鳧翅重自不飛黃鶴何事兩翼垂泥中相從豈得久今我不往行恐遲江夏魚雙應未去恨無

文字相娛嬉

黃庭堅詩  
老婦能文

畫魚歌

湖州道中作

天寒水落魚在泥短鉤畫水如耕犁渚蒲披折藻行亂此意豈復遺鯁鯁偶然信手皆虛擊本不詞勞幾

平萬一一魚中乃百魚驚蝦蟹奔忙誤拋漁人養  
魚如養雞插竿冠笠驚鵝鴈豈知白挺開如雨攪水  
覓魚嗟已踈

吳中田婦歎 和賈收頌

今年粳稻熟苦遲庶見霜風來幾時霜風來時雨如  
瀉杷頭出菌鎌生衣眼枯淚盡雨不盡恐見黃穗卧  
青泥茹苦一月壠上宿天晴穫稻隨車歸汗流有頰  
戴入市價賤乞與如糠粃賣牛納稅拆屋炊慮淺不  
及明年飢官今要錢不要米西北萬里招羗兒糞黃  
湍朝人更苦不如却作河伯婦

和邵同年戲贈賈收秀才三首

傾蓋相歡一笑中從來未省馬牛塵卜隣尚可容三  
徑投社終當作兩翁古意已持蘭緝佩招詞閑詠桂  
生叢此身自斷天休問白髮年來漸不公

朝見新莢出舊槎騷人孤憤苦思家五噫處士太窮  
約三賦先生多誕考帳外鶴鳴盍有鏡筒中錢盡按  
無銚玉川何日朝金闕白晝關門守夜叉 詩賈收  
再要

生涯到處似檣烏科第無心摘領鬢黃帽刺舩忘歲  
月白衣擔酒慰鰥孤沮公欺病來分粟水伯知饒為  
出鱸莫向洞庭歌楚曲煙波渺渺正愁予

遊道場山何山

道場山頂何山麓上徹雲峰下幽谷我從山水窟中  
來尚愛此山看不足陂湖行盡白漫漫青山忽作龍  
蛇盤山高無風松自響誤認石齒獠獠湍山僧不放  
山泉出屋底清池照瑤席堦前合抱香入雲月裏仙  
人親手植出山回望翠雲蹀碧苑朱欄縹眇間白水  
田頭問行路小溪深處是何山高人讀書夜達旦至  
今山鶴鳴夜半我今廢學不歸山山中對酒空三歎

贈莘老七絕

嗟余與子久離群耳冷心灰百不聞若對青山談世

事當須舉白便浮君

天目山前淥浸裾碧瀾堂下看銜鱸作堤捍水非吾

事閑送苕溪入太湖

夜來雨洗碧嶺崦浪湧雲屯遶郭寒間有弁山何處

是爲君四面意求看

夜橋燈火照溪明欲放扁舟取次行暫借官奴遣吹

笛明朝新月到三更

三年京國厭藜蒿長羨淮魚壓楚糟今日駱駝橋下

泊恣看脩網出銀刀

烏程霜稻襲人香釀作春風霽水光時復中之徐邈

遊道場山何山

道場山頂何山麓上徹雲峰下幽谷我從山水窟中  
來尚愛此山看不足陂湖行盡白漫漫青山忽作龍  
蛇盤山高無風松自響誤認石齒獠獠湍山僧不放  
山泉出屋底清池照瑤席堦前合抱香入雲月裏仙  
人親手植出山回望翠雲蹊碧瓦朱欄縹眇間白水  
田頭問行路小溪深處是何山高人讀書夜達旦至  
今山鶴鳴夜半我今廢學不歸山山中對酒空三歎

贈莘老七絕

嗟余與子久離群耳冷心灰百不聞若對青山談世

事當須舉白便浮君

天目山前淥浸裾碧瀾堂下看銜鱸作堤捍水非吾

事閑送苕溪入太湖

夜來雨洗碧嶺岼浪湧雲屯遶郭寒間有弁山何處

是爲君四面意來看

夜橋燈火照溪明欲放扁舟取次行暫借官奴遣吹

笛明朝新月到三更

三年京國厭藜蒿長羨淮魚壓楚糟今日駱駝橋下

泊恣看脩網出銀刀

烏程霜稻襲人香釀作春風雪水光時復中之徐邈



聖母多酌我次公狂  
去年臘日訪孤山曾借僧窓半日閑不爲思歸對妻  
子道人約徑須還

莘老葺天慶觀小園有亭北向道士山宗  
說乞名與詩

春風欲動北風微歸鴈亭邊送鴈歸蜀客南遊家最  
遠吳山寒盡雪先晞扁舟去後花絮亂五馬來時賓  
從非惟有道人應不忘抱琴無語立斜暉

至秀州贈錢端公安道兼寄其弟惠山山  
人

鴛鴦湖邊月如水孤舟夜榜鴛鴦起平明繫纜石橋  
亭慙愧冒寒髯御史結交最晚情獨厚論心無數今  
有幾寂寞抱關歎蕭生耆老執戟哀揚子怪君顏采  
却秀發無乃遷謫反便美天公欲困無奈何世人共  
抑真疎矣毗陵高山錫爲骨陸子遺味泉冰齒賢哉  
仲氏早拂衣占斷此山長洗耳山頭望湖光潑眼山  
下濯足波生指儻容逸少問金堂記與稽康留石髓  
秀州報本禪院鄉僧文長老方丈

萬里家山一夢中吳音漸已變兒童每逢蜀叟談終  
日便覺峨眉翠掃空師已忘言真有道我除搜句百

無功明年采藥天台去更欲題詩滿浙東

王復秀才所居雙檜二首

吳王池館徧重城閑草幽花不記名青蓋一歸無覓處祇留雙檜待昇平

凜然相對敢相欺直幹凌空未要奇根到九泉無曲處世間惟有蟄龍知

宋叔達家聽琵琶

數絃已品龍香撥半面猶遮鳳尾槽新曲從翻玉連瑣舊聲終愛鬱輪袍夢回只記歸舟字賦罷雙垂紫錦絲何異烏孫送公主碧天無際雁行高

元日次韻張先子野見和七夕寄莘老之作

得句牛女夕轉頭參尾中青春先入睡白髮不遺窮酒社我為敵詩壇子有功縮頭先夏鼈見玉寶腹鄙秋蟲莫唱裙垂綠無人臉斷紅舊交懷賀老新進謝終童袍鶴雙雙瑞腰犀一一通小蠻知在否試問霸

需翁

正月九日有美堂飲醉歸徑睡五鼓方醒不復能眠起閱文書得鮮于子駿所寄古意作雜興一首答之

無功明年采藥天台去更欲題詩滿浙東

王復秀才所居雙檜二首

吳王池館徧重城閑草幽花不記名青蓋一歸無覓  
處祇留雙檜待昇平

凜然相對敢相欺直幹凌空未要奇根到九泉無曲  
處世間惟有藝龍知

宋叔達家聽琵琶

數絃已品龍香撥半面猶遮鳳尾槽新曲從翻玉連  
瑣舊聲終愛鬱輪袍夢回只記歸舟字賦罷雙垂紫  
錦絲何異烏孫送公主碧天無際鴈行高

元日次韻張先子野見和七夕寄莘老之  
作

得句牛女夕轉頭參尾中青春先入睡白髮不遺窮  
酒社我為敵詩壇子有功縮頭先夏鼈見玉實腹鄙  
秋蟲莫唱裙垂綠無人臉斷紅舊交懷賀老新進謝  
終童袍鵲雙雙瑞腰犀一一通小蠻知在否試問霸  
喞翁

正月九日有美堂飲醉歸徑睡五鼓方醒  
不復能眠起閱文書得鮮于子駿所寄古  
意作雜興一首答之

衆人事紛擾志士獨悄悄何異琵琶絃常遭腰鼓鬧  
三杯忘萬慮醒後還皎皎有如轆轤索已脫重縈繞  
家人自約教始慕陳婦孝可憐原臣先放蕩今誰弔  
平生嗜羊炙識味肯輕飽烹蛇啖蛙蛤頗訝能稍稍  
憂來自不寐起視天漢渺闌干玉繩低耿耿太白曉

次韻荅章傳見贈

並生天地宇同閱古今宙視下則有高無前孰無後  
達人千鈞弩一施難再設下士沐猴冠已繫猶跳驟  
欲將駒過隙坐待石穿湖君看漢唐主宮殿悲麥秀  
而況彼區區何異一醉富爰居非所養俯仰眩金奏

體骸有餘樂不博南面后嗟我昔少年守道貧非疚  
自從出來仕役物恐見園馬融既依梁班固亦事實  
效鑿豈不欲頑質謝鑄鍊及聞長者言悻直非養壽  
然而慎勿拭出勝當俛就居然成懶廢敢復齒豪右  
子如照海珠罔目踈見漏宏材乏近用巧舞因短袖  
坐令傾國容臨老見邂逅吾衰信久矣書絕十年舊  
門前可羅雀感子煩屢扣願言歌緇衣子粲予還授

法惠寺橫翠閣

朝見吳山橫暮見吳山從吳山故多態轉則為君容  
幽人起朱閣空洞更無物惟有千步岡東西作簾額

衆人事紛擾志士獨悄悄何異琵琶絃常遭腰鼓鬧  
三杯忘萬慮醒後還皎皎有如轆轤索已脫重縈繞  
家人自約教始慕陳婦孝可憐原臣先放蕩今誰弔  
平生嗜羊炙識味肯輕飽烹蛇啖蛙蛤頗訝能稍稍  
憂來自不寐起視天漢渺闌干玉繩低耿耿太白曉

次韻荅章傳見贈

並生天地宇同閱古今宙視下則有高無前孰無後  
達人千鈞弩一施難再設下士沐猴冠已繫猶跳驟  
欲將駒過隙坐待石穿潮君看漢唐主宮殿悲麥秀  
而沈彼區區何異一醉富爰居非所養俯仰眩金奏

體骸有餘樂不博南面后嗟我昔少年守道貧非疚  
自從出求仕役物恐見園馬融既依梁班固亦事實  
效鑿豈不欲頑質謝鑄鍊不聞長者言悖直非養壽  
密而慎勿拭出勝當僥就居然成懶廢敢復齒豪右  
子如照海珠罔目踈見漏宏材乏近用巧舞困短袖  
坐令傾國容臨老見邂逅吾衰信久矣書絕十年舊  
門前可羅雀感子頎屢扣頎言歌緇衣子粲予還授

法惠寺橫翠閣

朝見吳山橫暮見吳山從吳山故多態轉則為君容  
幽人起朱閣空洞更無物惟有千步岡東西作簾額

春來故國歸無期人言悲秋春更悲已泛平湖思濯  
錦更看橫翠憶蛾眉凋欄能得幾時好不獨憑欄人  
易老百年興廢更堪哀懸知草莽化池臺遊人尋我  
舊遊處但覓吳山橫處來

祥符寺九曲觀燈

紗籠擎燭逢門入銀葉燒香見客邀金鼎轉丹光吐  
夜寶珠穿蟻鬧連朝波翻焰裏元相激魚舞湯中不  
畏焦明日酒醒空想像清吟半逐夢魂銷

上元過祥符僧可久房蕭然無燈火

門前歌鼓闌分用一室清風冷欲冰不犯瑠璃閣照

佛始知無盡本無燈

正月二十一日病後述古邀往城外尋春

屋上山禽苦喚人檻前冰沼忽生鱗老來厭逐紅裙  
醉病起空驚白髮新卧聽使君鳴鼓角試呼稚子整  
冠巾曲欄幽榭終寒窘一看郊原浩蕩春

有以官法酒見餉者因用前韻求述古為  
移厨飲湖上

喜逢門外白衣人欲繪湖中赤玉鱗遊舫已粧吳榜  
穩舞衫初試越羅新欲將魚釣追黃帽未要靴刀抹  
絳巾芳意十分強半在為君先踏水邊春

春來故國歸無期人言悲秋春更悲已泛平湖思濯  
錦更看橫翠憶娥眉凋欄能得幾時好不獨憑欄人  
易老百年興廢更堪哀懸知草莽化池臺遊人尋我  
舊遊處但覓吳山橫處來

祥符寺九曲觀燈

紗籠擎燭逢門入銀葉燒香見客邀金鼎轉丹光吐  
夜寶珠穿蟻鬧連朝波翻焰裏元相激魚舞湯中不  
畏焦明日酒醒空想像清吟半逐夢魂銷

上元過祥符僧可久房蕭然無燈火

門前歌鼓闌分用一室清風冷欲冰不把瑠璃闕照

佛始知無盡本無燈

正月二十一日病後述古邀往城外尋春

屋上山禽苦喚人檻前冰沼忽生鱗老來厭逐紅裙  
醉病起空驚白髮新卧聽使君鳴鼓角試呼稚子整  
冠巾曲欄幽榭終寒窘一看郊原浩蕩春

有以官法酒見餉者因用前韻求述古為

移厨飲湖上

喜逢門外白衣人欲繪湖中赤玉鱗遊舫已粧吳榜  
穩舞衫初試越羅新欲將魚釣追黃帽未要靴刀抹  
絳中芳意十分強半在為君先踏水邊春

飲湖上初晴後雨二首

朝曦迎客豔重岡晚雨留人入醉鄉此意自佳君不

會一盃當屬水仙王

湖上有水仙王廟

水光瀲灩晴方好山色空濛雨亦奇欲把西湖比西  
子淡粧濃抹總相宜

往富陽新城李節推先行三日留風水洞

見待

春山礧礧鳴春禽此間不可無我吟路長漫漫傍江  
浦此間不可無君語金鯽池邊不見君追君直過定  
山村路人皆言君未遠騎馬少年清且婉風巖水穴

舊聞名只隄山溪夜不行溪橋曉溜浮梅萼知君繫  
馬巖花落出城三日尚逶遲妻孥怪罵歸何時世上  
小兒誇疾走如君相待今安有

風水洞二首和李節推

風轉鳴空穴泉幽瀉石門虛心聞地籟妄意覓桃源  
過客詩難好居僧語不繁歸併得冰雪清冷慰文園  
山前雨水隔塵凡山上仙風舞檜杉細細龍鱗生亂  
石團團羊角轉空巖馮夷窟宅非梁棟禦寇車輿謝  
轡銜世事漸艱吾欲去永隨二子脫譏讒

獨遊富陽普照寺



富春真古邑此寺亦唐餘鶴老依喬木龍歸護賜書  
連筒春水遠出谷晚鍾疎欲繼江潮韻何人為起予

自普照遊二庵

長松吟風晚雨細東庵半掩西庵閉山行盡日不逢  
人泥泥野梅香入袂居僧笑我戀清景自厭山深出  
無計我雖愛山亦自笑獨往神傷後難繼不如西湖  
飲美酒紅杏碧桃香覆髻作詩寄謝採薇翁本不避  
人那避世

富陽妙庭觀董雙成故宅發地得丹鼎覆  
以銅盤承以智璃盆盆既破碎丹亦為人

爭奪持去今獨盤鼎在耳二首

人去山空鶴不歸丹亡鼎在世徒悲可憐九轉功成  
後却把飛昇乞內芝

琉璃擊碎走金丹無復神光發舊壇時有世人來試  
鼎欲隨雞犬事劉安

新城道中二首

東風知我欲山行吹斫簷間積雨散嶺上晴雲披絮  
帽樹頭初日挂銅鉦野桃含笑竹籬短溪柳自搖沙  
水清西崦人家應最樂煮芹燒筍餉春耕

身世悠悠我此行溪邊委轡聽溪聲散材畏見搜林

斧破馬思聞卷柿鉅細雨足時茶戶喜亂山深處長  
官清人間歧路知多少試向桑田問耦耕

山村五絕

竹籬茅屋趁溪斜春入山村處處花無象太平還有  
象孤煙起處是人家  
煙雨濛濛雞犬聲有生何處不安生但教黃犢無人  
佩布穀何勞也勸耕  
老翁七十自腰鎌慙愧春山筍蕨甜豈是聞韶解忘  
味爾來三月食無鹽  
杖藜裹飯去匆匆過眼青錢轉手空贏得兒童語音

好一年強半在城中  
竊祿忘歸我自羞豐年底事汝憂愁不須更待飛鳶  
墮方念平生馬少遊

湖上夜歸

我飲不盡醜半酣味尤長籃輿湖上歸春風吹面涼  
行到孤山西夜色已蒼蒼清吟雜夢寐得句旋已忘  
尚記梨花村依依聞暗香入城定何時賓客半在亡  
騷眼忽驚鬢繁燈鬧河塘市人拍手笑狀如失林麀  
始悟山野姿異趣難自強人生安為樂吾策殊未良  
寒食未明至湖上太守未來兩縣令先在

城頭月落尚啼鳥，烏榜紅舷早滿湖。鼓吹未容迎五馬，水雲先已聽雙鳧。映山黃帽螭頭舫，夾道青煙鵲尾爐。老病逢春只思睡，獨求僧榻寄須臾。

次韻孫莘老見贈時莘老移廬州因以別之

爐鎚一手賦，形殊造物無。心敢望渠我，本疎頑固當。

爾子猶淪落，況其餘龔黃。側畔難言政，羅趙前頭耳。

眩書莘老見稱政事與書而莘老書至不上惟有陽關一杯酒，慙慙重

唱贈離居

贈別

青鳥銜巾久欲飛，黃鸝別主更悲啼。慙慙莫忘分携處，湖水東邊鳳嶺西。

次韻代留別

絳蠟燒殘玉笋飛，離歌唱徹萬行啼。他年一舸鷓夷去，應記儂家舊姓西。

月兔茶

環非環玦非玦，中有迷離玉兔兒。一似佳人裙上月，圓還缺缺還圓。此月一缺圓何年，君不見闔茶公子不忍聞。小團上有雙銜綬帶雙飛鸞。

薄命佳人

雙頰凝酥髮抹漆眼光入簾珠的樂故將白練作仙  
衣不許紅膏汙天質吳音嬌軟帶兒癡無限閑愁  
未知自古佳人多命薄閉門春盡揚花落

吉祥花將落而述古不至

今歲東風巧翦裁含情只待使君來對花無信花應  
恨直恐明年便不開

述古聞之明日即來坐上復用前韻同賦

仙衣不用翦刀裁國色初酣卯酒來太守問花花有  
語為君零落為君開

李鈴轄坐上分題戴花

二八佳人細馬駝十千美酒渭城歌簾前柳絮驚春  
晚頭上花枝柰老何露濕醉巾香掩冉月明歸路影  
婆娑綠珠吹笛何特見欲把斜紅插皂羅

於潛令刁同年野翁亭

山翁不出山溪翁長在溪前二翁亭不如野翁來往

溪山間上友麋鹿下鳧鷖問翁何所樂三年不去煩  
推擠翁言此間亦有樂非絲非竹非娥眉山入醉後  
鐵冠落溪女笑時銀櫛低我來觀政問風謠皆云吠  
犬足生甃但恐此翁一旦舍此去長使山人索寞溪

女帝

元日山唐道士常冠鐵冠於潛婦  
女皆挿大銀櫛長尺許謂之蓮香

於潛女

青裙縞袂於潛女兩足如霜不穿屨  
簪沙鬢髮絲穿朽蓬沓郭前走風雨  
老澗宮粧傳父祖至今遺民悲故主  
苔溪揚柳初飛絮照溪畫眉渡溪去  
逢郎樵歸相媚媼不信姬姜有齊魯

自昌化雙溪館下步尋溪源至治平寺二

首

亂山滴翠衣裘重雙澗響空窓戶搖飽食不嫌溪筍  
瘦穿林闕瓦野芎苗却愁縣令知遊寺尚喜漁人爭  
渡橋正似醴泉山下路桑枝刺眼麥齊腰

無見田園輒自招倦飛不擬控扶搖共疑楊惲非鋤  
豆誰信劉章解立苗老去尚貪彭澤米夢歸時到錦  
江橋宦遊莫作無家客舉族長懸似細腰

於潛僧綠筠軒

可使食無肉不可居無竹無肉令人瘦無竹令人俗  
人瘦尚可肥俗士不可醫秀人笑此言似高遠似癡  
若對此君仍大嚼世間那有揚州鶴

與臨安令宗人同年劇飲

我雖不解飲把殘歡意足試呼白髮感秋人令唱黃  
雞催曉曲與君登科如隔晨弊袍霜葉空殘綠如今

莫問老與少  
兒子森森如立竹  
黃雞催曉不須愁  
老盡世人非我獨

寶山晝曠

七尺頑軀走世塵  
十圍便腹貯天真  
此中空洞渾無物  
何止容君數百人

東坡集卷第四



